

Catalogued

## PENTATOMIDAE NOVAE AFRICANAE

a Dre G. HORVÁTH descriptæ.

Subfam. CYDNINAE.

✓ *Macroscytus inermipes* n. sp.

Ovalis, nigro-piceus, antennis, rostro, tibiis et tarsis flavo-testaceis; capite lævigato, impunctato, parce obsoleteque rugoso; articulis tribus apicalibus antennarum nonnihil infuscatis, articulo secundo articulo tertio æquilongo (♂) vel paullo brevior (♀); rostro coxas intermedias attingente, articulo tertio articulo quarto dimidio longiore; pronoto lævigato, tantum apice medio et in regione impressionis discoidalis transversæ obsolete punctis nonnullis distinctis remotis consperso; scutello remote et distincte punctato, apice nonnihil deflexo, acuto; hemelytris remote subtiliterque punctatis, area costali autem dense punctulato, margine costali ante medium anguste reflexo et poris setigeris 1—2 instructo, membrana sordide hyalina; ventre fere toto lævigato, versus latera subtilissime punctulato; femoribus fusco-nigris, tibiis nigro-spinosis, apice leviter infuscatis. ♂. ♀. Long. 9¼—10, Lat. 4½—5 mill.

♂. Femoribus posticis dente anteapicali majusculo destitutis; segmento genitali margine postico integro, simplice.

Insula St. Thomé.\* (Mus. Hung.)

*M. acuto* SIGN. affinis, sed differt articulo secundo antennarum articulo tertio haud longiore, lateribus pronoti usque ad apicem impunctatis, punctis scutelli majoribus, area costali corii quam disco densius punctulato, tibiis flavo-testaceis femoribusque posticis maris dente anteapicali destitutis.

\* Ex insula St. Thomé in sinu Guineensi Pentatomidas sequentes, a Dom. A. MOCQUERYS collectas accepimus: *Brachyplatys testudo nigra* DE GEER (*pallipes* FABR.), *Xerobia sculpturata* STÅL, *Macroscytus inermipes* n. sp., *Geotomus hirtipes* P. B., *Aethemenes nigro-punctatus* SIGN., *Andocides vitticeps* STÅL, *Aspavia armigera* FABR., *A. hastator* FABR., *Agonoscelis gambiensis* WESTW., *Nezara macrorhaphis* n. sp., *Bathycoelia thalassina* H.-SCH., *B. nesophila* n. sp., *B. malachitica* n. sp., *Macrorhaphis acuta* DALL., *Piezosternum calidum* FABR., *Aspongopus viduatus* FABR., *A. mysticus* STÅL.

✓*Alamprella* nov. gen.

Corpus ovale, depressum. superne opacum. subtus nitidulum; marginibus capitis et pronoti poris setigeris instructis. Caput planum, transversum, obtuse rotundatum, jugis apice contiguis; bucculis percurrentibus. Oculi majusculi, prominuli. Ocelli distincti. Antennæ quinquearticulatae, articulo secundo articulo tertio brevior. Rostrum mediocre, articulo primo bucculas postice haud superante. Pronotum transversum, trapezoideum, antice semicirculariter emarginatum, lateribus paullo explanatis, immarginatis, sulco intramarginali (basi excepta) destitutis. Scutellum triangulare, longius quam basi latius; frenis longissimis, fere usque ad apicem scutelli extensis. Hemelytra completa; corio scutello longiore, angulo apicali acuto; membrana venis simplicibus instructa. Prosternum longitrossum sulcatum, sulco utrinque carina alta subfoliacea terminato. Pedes mediocres; femoribus posticis subtus spinula anteapicali armatis; tibiis anticis apice compressis, dilatatis; tarsis apici tiliarum insertis.

Genus hoc primo intuitu *Ochetostetho* FIEB. affine videtur, sed re vera ad divisionem Cydnariorum pertinet et a generibus hucusque cognitis hujus divisionis corpore superne opaco lateribusque pronoto explanatis, sulco intramarginali destitutis divergit. Ceteroquin in vicinitate generis *Geolomus* M. R. collocandum.

✓*Alamprella* singularis n. sp.

Niger; capite, pronoto et scutello densissime et subtilissime punctatis; capite latitudine sua cum oculis  $\frac{1}{3}$  brevior, ante oculos nonnihil producto, apice autem latissime rotundato, utrinque setis submarginalibus tribus mediocribus instructo; antennis et rostro flavo-testaceis, versus medium leviter infuscatis, articulo illarum secundo articulo tertio  $\frac{1}{3}$  brevior, articulo quinto elongato-fusiforini et quam articulo præcedente paullo longiore; pronoto plano-convexo, posteriori rugis nonnullis transversis obsoletissimis prædito, marginibus lateralibus leviter rotundatis, anguste fuscis, setis mediocribus ciliatis, angulis anticis subrectis, prominulis; scutello paullo longiore quam basi latiore; hemelytris nigro-fuscis, parce subtilissimeque punctulatis, venis nigris, margine costali anguste fusco, poris setigeris destituto, membrana pallide fusciscente, venis concoloribus; corpore subtus minus dense subtiliterque punctato; area evaporativa magna, opaca, atra; maculis pectoris ad coxas pedibusque fusco-ferrugineis, spinis tiliarum concoloribus, tarsis flavo-testaceis. ♀. Long.  $3\frac{1}{2}$ , Lat. 2 mill.

Guinea: Addah ad oras Aureas. (Mus. Hung.)

## Subfam. PENTATOMINAE.

✓ *Nealeria diminuta* n. sp.

Fusco-cinnamomea, superne distincte punctata et maculis callosis irregularibus flavo-testaceis parvis vel minutis conspersa; capite pronoto æquilongo, dense punctato, versus latera nigricante; antennis rufo-testaceis, dimidio apicali articuli primi apiceque articuli secundi nigris, articulo secundo articulo primo fere triplo et quam articulo tertio dimidio longiore. articulis duobus ultimis longitudine æqualibus, infuscatis. basi pallidis; rostro medium segmenti ventralis quarti attingente. apice nigro. articulo tertio articulo quarto duplo longiore; pronoto longitudine sua paullo plus quam duplo latiore, marginibus lateralibus anticis medio sinuatis. ante sinum obsolete crenulatis, angulis lateralibus obtusis. nigris; membrana fusca; dorso abdominis et connexivo nigris. fasciis segmentorum hujus flavo-testaceis; capite subtus pectoreque flavescenti-mucoreis. ventre et pedibus castaneis. maculis marginalibus illius obsolete testaceis. spiraculis nigris; annulo latissimo medio tibiaram flavo-testaceo, tibiis anticis apicem versus nigris, haud dilatatis; tarsis nigris. articulo primo tarsorum posteriorum supra albido-testaceo. Long. 14. Lat. inter ang. lat. pronoti  $6\frac{3}{4}$  mill.

♂. Segmento ventrali quinto postice minus profunde sinuato, segmento sexto segmento hoc in linea mediana tantum duplo longiore; segmento genitali nigricante, laminis duabus lateralibus ejus fuscis, apice subsinuatis et in angulum apicalem inferiorem productis.

Madagascar: Antongil Bay. (Mus. Hung.)

A *N. asopoide* STRÅL statura minore. capite dense punctato, articulo secundo antennarum apice nigro, marginibus lateralibus anticis pronoti haud denticulatis, angulis lateralibus hujus obtusis, minus prominentibus, tibiis anticis haud dilatatis, segmento ventrali quinto maris postice minus profunde emarginato laminisque duabus lateralibus segmenti genitalis maris apice subsinuatis et subtus angulato-productis differt.

✓ *Triplatyx* nov. gen.

Corpus latissime ovatum, subdepressum, medio gibboso-elevatum, subtus levissime convexum, lateribus totis explanatis. Caput subquadratum, foliaceum, planum, ante oculos sensim ampliatur, apice truncatum, angulis lateralibus anticis rotundatis, marginibus lateralibus medio denticulo acuto armatis; jugis tylo longioribus et ante hunc contiguis; bucculis humilibus, basin capitis attingentibus. Ocelli ab oculis remoti, longe

pone lineam fictam inter oculos ducendam positi. Antennæ quinquearticulatae, graciles, basi a margine capitis remotæ, articulis duobus apicalibus nonnihil incrassatis. Rostrum usque ad coxas posticas extensum, articulo secundo articulis tertio et quarto simul sumtis longiore. Pronotum transversum, antrorsum declive, utrinque in lobum latum lateralem declivem, oblique antrorsum vergentem, ultra apicem pronoti paullo extensum, apice rotundato-truncatum et crenatum productum, marginibus lateralibus anticis distincte sinuatis, antrorsum curvatis et irregulariter denticulatis, margine antico distincte sinuato, marginibus lateralibus posticis rotundatis, integris, margine postico recto. Scutellum basi quam capite distincte latius, mox ante medium gibboso-elevatum, antrorsum parum, retrorsum magis declive, parte apicali latiuscula; frenis usque ad medium scutelli extensis. Hemelytra planiuscula, margine costali basin versus leviter reflexo, area costali corii ibidem angustata; membrana parva, reticulata. Sterna sat profunde sulcata. Orificia odorifera ægre distinguenda, simplicia, nec auriculata, nec in rugam continuata. Abdomen ampliatur; ventre haud sulcato, nec basi tuberculato. Pedes breves, crassiusculi; femoribus inermibus; tibiis superne late sulcatis; articulo primo tarsorum vix incrassato.

Genus hoc eximium generi *Eurus* DALL. affine videtur, sed structura peculiari capitis, pronoti et scutelli longe diversum.

✓ *Triplatyx quadraticeps* n. sp.

Supra fusco-cinnamomea, dense punctata, maculis minutis flavo-testaceis callosis parce conspersa et vitta media obsoleta, a basi capitis usque ad apicem scutelli extensa, flavo-testacea, fusco-punctata notata; capite latitudine sua cum oculis paullo brevior, apice quam ante oculos nonnihil latiore, sed quam latitudine sua cum oculis nonnihil angustiore; antennis sordide testaceis, articulo tertio apice infuscato, articulis duobus ultimis (basi excepta) nigris, articulo secundo articulo tertio paullo longiore; rostro fusco-testaceo, articulis duobus apicalibus nigris; pronoto capiti æquilongo et longitudine sua media plus quam triplo latiore, marginibus lateralibus anticis angustissime pallidis et denticulis 3—4 acutis vel subacutis armatis; scutello fere æquilongo ac basi lato, in angulis basalibus foveola obsoleta nigra, intus nodulo minuto calloso albido terminata, instructo, a basi usque ad medium fortiter angustato, dein fere parallelo, apice late rotundato; hemelytris margines laterales abdominis haud tegentibus, corio scutello longiore, angulo apicali rotundato, membrana apicem abdominis æquante, grisea, venis obscurioribus; connexivo et corpore subtus nigris, lituris nonnullis obsoletis pectoris pallescentibus; pedibus flavo-

testaceis, remote fusco-punctatis. ♂. ♀. Long.  $6\frac{1}{4}$ — $6\frac{1}{2}$ , Lat. inter ang. lat. pronoti  $5$ — $5\frac{1}{4}$ , ad basin hemelytr.  $4\frac{1}{5}$ — $4\frac{1}{2}$  mill.

Madagascar: Antongil Bay. (Mus. Hung.)

✓ *Cocalus assimilis* n. sp.

Testaceo-flavescens, supra dense distincteque nigrofusco-punctatus, punctis pronoti et scutelli nigricantibus in vittas obsoletas acervatis; capite latitudini suæ cum oculis, sicut etiam pronoto æquilongo, marginibus lateralibus mox ante angulos obtuse angulatis, dein apicem versus leviter vel levissime biundulatis, vertice lineis duabus longitudinalibus basalibus, antice abbreviatis nigris signato, vitta mediana punctata, haud lævigata; articulis secundo et tertio antennarum longitudine æqualibus, articulis duobus apicalibus rufescentibus; rostro apice nigro; pronoto inter angulos laterales quam apice duplo latiore et latitudine sua vix dimidio brevior, marginibus lateralibus anticis rectis; scutello latitudine sua basali  $\frac{1}{3}$  longiore, frenis paullo pone medium extensis, parte pone frenas producta sat angusta; venis corii lævigatis; membrana griseo-hyalina, fusco-venosa; segmentis connexivi in angulo apicali interno puncto nigro notatis; corpore subtus vitta submarginali sat obsoleta, punctis approximatis nigris formata, signato, pectore præterea distincte, ventre autem subtiliter fusco-punctatis; punctis singulis lateralibus segmentorum pectoris et spiraculis nigris. ♂. ♀. Long.  $10\frac{3}{4}$ — $12\frac{1}{3}$ , Lat.  $4\frac{3}{4}$ — $5$  mill.

Africa orientalis: St. Peter Tulu in prov. Usambara occid. (Mus. Hung.)

*C. leucogrammo* GERM. simillimus, sed statura nonnihil angustiore, capite longiore et vitta mediana superiore lævigata destituto, articulis secundo et tertio antennarum longitudine æqualibus, frenis scutelli paullo pone medium extensis, segmentis connexivi puncto basali nigro destitutis ventreque minus subtiliter fusco-punctato distinctus.

✓ *Caura excelsa* DIST. var. *limbata* m.

Marginibus lateralibus anticis pronoti anguste flavo-limbatis; maculis transversis mediis atro-cæruleis ventris medio bipartitis. ♀.

Camerun: Adamaua. (Mus. Hung.)

✓ *Gastroxys* nov. gen.

Corpus anguste obovatum, subtus leviter convexum. Caput productum, convexiusculum, declive, antrorsum sensim angustatum, apice sub-

truncatum, tylo percurrente, jugis æquilongo; tuberculis antenniferis a supero bene distinguendis; bucculis modice elevatis, basin capitis attingentibus. Ocelli ad oculos sat appropinquati. Antennæ quinquearticulatae, articulo primo apicem capitis haud attingente. Rostrum pone coxas posticas extensum, articulo secundo articulis tertio et quarto simul sumtis longitudine subæquali. Pronotum transversum, anterius fortiter declive, marginibus lateralibus anticis distincte sinuatis, obtusis, integris, angulis lateralibus acute prominentibus. Scutellum triangulare, corio distincte brevius, utrinque leviter sinuatum; frenis pone medium scutelli extensis. Hemelytra abdomine paullo angustiora; angulo apicali corii acuto, area costali basin versus paullo angustata et confuse punctata; venis membranæ simplicibus. Mesosternum medio carinatum. Orificia odorifera breviter auriculata. Abdomen (♀) pone medium sensim angustatum et in apicem acutum productum; ventre haud sulcato, basi inermi, margine postico segmenti ventralis ultimi rotundato-producto, angulis lateralibus nullis. Pedes mediocres, graciliusculi; femoribus inermibus; tibiis superne teretibus.

Structura abdominis insigne genus, forsitan in vicinitatem generis *Diploxyis* AM. SERV. locandum, a quo autem abdomine apice acuto, angulis posticis segmenti ventralis ultimi haud prominentibus, mesosterno distincte carinato, femoribus apice inermibus, tibiis superne haud sulcatis aliisque notis divergit.

#### ✓ *Gastroxys funerea* n. sp.

Supra nigricans, dense et distincte punctata; capite parteque antica pronoti sordide griseo-testaceis, nigro-punctatis; capite latitudine sua cum oculis paullo longiore, marginibus lateralibus subrectis, jugis apice obtusis; articulis duobus basalibus antennarum flavo-testaceis, minute nigro-punctatis, articulis tertio et quarto rufescenti-testaceis, articulo quinto nigro-fusco, articulo tertio subtilissime nigro-consperso et quam articulo secundo nonnihil brevior. articulo quarto articulis duobus præcedentibus simul sumtis æquilongo; rostro nigro, medium segmenti ventralis secundi attingente; pronoto posterius subrugoso-punctato, angulis lateralibus in spinam acutissimam, leviter sursum vergentem extrorsum productis; scutello latitudine sua basali paullo longiore, utrinque ruga obsoleta subcallosa, sordide testacea, ab angulo basali oblique usque ad medium scutelli extensa instructo, parte posteriore pone frenas retrorsum sensim angustata; parte coriacea hemelytrorum lituris minutis fusco-testaceis, subcallosis conspersa; membrana griseo-hyalina, fusco-venosa, apicem abdominis haud attingente; connexivo obscure griseo-lilacino, in

incisuris segmentorum puncto minuto impresso nigro instructo; corpore subtus fusco-punctato, pectore sordide flavo-testaceo, angulis lateralibus prostethii et ventre griseo-lilacinis. linea utrinque laterali subinterrupta undulata hujus nigra; segmento ultimo dorsali abdominis nigro, anguste triangulari, medio sculcato, apice acute producto; laminis duabus genitalibus pallidis, elongato-triangularibus, apice hiscentibus et in processum longiusculum spiniformem productis; pedibus nigricantibus, femoribus basin versus nonnihil pallescentibus, nigro-punctatis. ♀. Long.  $9\frac{1}{2}$ . Lat. inter ang. lat. pronoti  $5\frac{1}{2}$ , ad basin hemelytr.  $4\frac{1}{2}$  mill.

Africa orientalis: Kilimandjaro. (Mus. Hung.)

✓  
✓  
*Eusarcoris V-flavum* n. sp.

Latissimus, retrorsum nonnisi levissime angustatus, supra subtusque valde convexus, sordide flavo-testaceus, fusco-punctatus, nitidulus; capite, parte antica declivi pronoti, scutello, area costali corii, pectore discoque maximo ventris æneo-viridibus; capite latitudine sua interoculari dimidio longiore, apice rotundato-truncato, marginibus lateralibus sinuatis, tylo apice imo pallido, lævigato; antennis fusco-testaceis, articulo primo flavo-testaceo, articulis secundo et tertio longitudine subæqualibus; rostro usque ad apicem segmenti ventralis secundi extenso, apice nigro; pronoto anterius maxime declivi, inter angulos laterales quam apice plus duplo latiore, marginibus antico et lateralibus anticis lineaque transversa inter angulos laterales ducta flavo-testaceis, lævigatis, callosis, angulis lateralibus obtusis, haud prominulis; scutello retrorsum parum angustato, litura ut littera V formata, flavo-testacea, lævigata, callosa, a basi usque ad ad apicem extensa ornato, apice latissime rotundato et angustissime testaceo-marginato, frenis paullo ultra tertiam partem basalem scutelli extensis; vena costali corii anterius venaque intracostali flavo-testaceis, striola parva obsoleta prope apicem venæ hujus nigricante; membrana fuscescenti-hyalina, apicem abdominis paullo superante; lituris nonnullis parvis irregularibus pectoris, angulo laterali prostethii, angulo postico metastethii limboque ventris cum segmento genitali testaceis, fusco-punctatis; pedibus flavo-testaceis, nigro-punctatis, tibiis superne haud sulcatis. ♂. Long.  $4\frac{1}{3}$ , Lat.  $3\frac{1}{3}$  mill.

Madagascar: Antongil Bay. (Mus. Hung.)

Corpore fere globoso, pronoto anterius maxime declivi, margine antico hujus late lævigato, calloso scutelloque litura V-formi pallida signato et apice latissime rotundato ab omnibus congenericis hucusque cognititis facillime distinguendus.

✓ *Carbula teretipes* n. sp.

Late obovata, griseo-flavescens, nigro-punctata, supra cum pectore in certo lumine æneo-virescens vel cupreo-nitens; capite, maculis duabus apicalibus et angulis lateralibus pronoti, basi et litura antepicali scutelli areaque costali corii æneo-viridibus; capite sæpissime linea mediana percurrente testacea plus minusve obsoleta prædito, planiusculo, apice rotundato-truncato, marginibus lateralibus leviter sinuatis, ante sinum parallelis; antennis nigris, articulo primo (apice excepto) basi que articulorum reliquorum flavo-albidis, articulo secundo articulo tertio paulo longiore; rostro pallide flavo-testaceo, apice nigro, articulo primo bucculas postice superante; marginibus antico et lateralibus anticis pronoti cum margine angulorum lateralium, ruga transversa undulata maculas anticæ æneo-virides posterius terminante rugaque alia transversa, sæpe sat obsoleta, inter angulos laterales ducta, sed utrinque evanescente, lævigatis, callosis, flavo-albidis, angulis anticis denticulo tuberculiformi instructis, marginibus lateralibus anticis sinuatis, angulis lateralibus sat prominentibus obtusis; maculis duabus basalibus lateralibus majusculis et apice scutelli cum margine costali corii basin versus flavo-albidis, lævigatis, callosis; membrana infuscata; dorso abdominis nigro, maculis mediis segmentorum connexivi flavo-testaceis; ventre disco minus dense punctato, maculis marginalibus ad incisuras segmentorum nigris; pedibus flavo-albidis, remote nigro-punctatis, femoribus pone medium plerumque distincte nigro-annulatis, tibiis superne haud sulcatis. apice cum apice tarsorum nigris. ♂. ♀. Long. 9—9½, Lat. 6—6¼ mill.

*Var. egena* n. — Scutello apice punctato, haud calloso, maculis callosis angulorum basalium diminutis, tantum lituram angustam, angulatam, unciiformem formantibus; marginibus ventris totis pallidis, haud nigro-maculatis. ♀.

Madagascar: Antongil Bay. (Mus. Hung.)

A speciebus africanis hucusque cognitis hujus generis tibiis superno haud sulcatis aliisque notis mox distincta.

✓ *Agonoscelis cognata* n. sp.

Anguste ovalis, griseo-pilosa, supra pallide fusco-testacea, dense et distincte punctata, punctis dilute fuscis, interdum fere decoloribus; capite latitudine sua cum oculis ½ longiore, marginibus lateralibus angustis (apice excepto), lineis duabus longitudinalibus ad latera tyli, puncto parvo postico ad ocellos punctoque superiore ad basin tuberculorum antenniferorum nigris, bucculis retrorsum sensim humilioribus; antennis



nigris, articulo primo subtus pallido, articulo secundo articulo tertio vix brevior; rostro apicem abdominis subsuperante ( $\sigma$ ) vel æquante ( $\varphi$ ), flavo-testaceo, linea percurrente inferiore et articulo quarto nigris; pronoto capite paullo brevior et longitudine sua media  $2\frac{2}{3}$  latiore, marginibus lateralibus anticis apicem versus flavescentibus, punctis nonnullis utrinque pone oculos nigris; scutello  $\frac{1}{4}$  longiore quam basi latiore, unicolore; hemelytris æqualiter punctatis, maculis callosis destitutis, corio interdum leviter roseo-tincto, margine costali raro anguste nigro-punctato, membrana sordide griseo-hyalina, fusco-venosa; dorso abdominis rufo-testaceo, basi et apice nigro; connexivo flavo, fasciis subbasali et apicali segmentorum nigris; corpore subtus pallide flavo-testaceo, punctis binis pro- et mesostethii, puncto metastethii, maculis parvis marginalibus ventris in angulis basalibus et apicalibus segmentorum punctisque discoidalibus in series quatuor dispositis nec non spiraculis nigris, marginibus lateralibus prostethii et ventris læte flavis; pedibus pallide flavo-testaceis, punctis duobus femorum (uno pone medium, altero superne ante apicem), striola breviuscula basali superiore et apice tibiaram tarsisque nigris.  $\sigma$ .  $\varphi$ . Long.  $10\frac{1}{2}$ —12, Lat.  $4\frac{3}{4}$ — $5\frac{1}{2}$  mill.

$\sigma$ . Segmento ventrali quinto postice acute angulato-exciso.

Africa orientalis germanica: Nyunda ad lacum Victoria Nyanza Kigonsera, St. Peter Tulu in prov. Usambara occid. (Mus. Hung.)

*A. venosae* THUNB. affinis, sed corpore nonnihil angustiore et subtilius punctato, capite longiore, articulis secundo et tertio antennarum longitudine subæqualibus, rostro longiore et dorso abdominis basi apiceque nigro nec non segmento ventrali quinto maris postice acute angulato-exciso differt.

#### ✓ *Agonoscelis versicolor* FABR. var. *tibialis* m.

Tibiis nigris, dimidio autem basali tibiaram posteriorum subtus pallido; picturis corporis obscurioribus et saturatioribus quam in forma typica.  $\varphi$ . Long.  $13\frac{1}{2}$ , Lat.  $6\frac{1}{2}$  mill.

Madagascar: Antongil Bay. (Mus. Hung.)

Species africanas generis *Agonoscelis* SPIN. hoc modo dispono:

- 1 (2). Corpore oblongo-ovato; disco ventris (spiraculis nigris exceptis) punctis nigris destituto; rostro pone apicem abdominis extenso.  $\sigma$ .  $\varphi$ . Long. 12, Lat. 5 mill. — — — — — *A. longirostris* HAROLD. ✓
- 2 (1). Corpore magis minusve late ovali; disco ventris punctis nigris in series dispositis prædito.

- 3 (16). Corpore superne fusco-vel rufo-testaceo vel testaceo-variegato; rostro saltem medium ventris attingente.
- 4 (11). Parte coriacea hemelytrorum æqualiter punctata, maculis callosis pallidis destituta.
- 5 (8). Corpore anguste ovali; tibiis superne basi nigris.
- 6 (7). Rostro apicem abdominis attingente vel superante; capite pronoto longiore; articulis secundo et tertio antennarum longitudine subæqualibus; dorso abdominis basi et apice nigro; segmento ventrali quinto maris postice acute angulato-exciso. ♂. ♀. Long.  $10\frac{1}{2}$ —12, Lat.  $4\frac{3}{4}$ — $5\frac{1}{2}$  mill. — — — — — *A. cognata* n. sp. ✓
- 7 (6). Rostro apicem abdominis haud attingente; capite pronoto æquilongo; articulo secundo antennarum articulo tertio distincte brevior; dorso abdominis toto rufo-testaceo; segmento ventrali quinto maris postice obtuse angulato-emarginato. ♂. ♀. Long.  $10\frac{1}{4}$ —11, Lat.  $4\frac{3}{4}$ —5 mill. *A. venosa* THUNB. ✓
- 8 (5). Corpore latius ovali; tibiis basi totis pallidis.
- 9 (10). Capite latitudine sua cum oculis longiore; articulo secundo antennarum articulo tertio distincte brevior; scutello apice reflexo; tarsis pallidis; dorso abdominis rufo-testaceo; segmento ventrali quinto maris medio usque ad basin fisso. ♂. Long.  $9\frac{1}{2}$ , Lat. 5 mill. *A. sansibarica* HAROLD. ✓
- 10 (9). Capite æquilongo ac basi cum oculis lato; articulis secundo et tertio antennarum longitudine æqualibus; scutello apice plano; tarsis fere totis et dorso abdominis nigris; segmento ventrali quinto maris postice obtuse angulato-emarginato. ♂. ♀. Long.  $8\frac{3}{4}$ —9, Lat.  $4\frac{1}{2}$ — $4\frac{3}{4}$  mill. *A. puberula* STÅL. ✓
- 11 (4). Parte coriacea hemelytrorum maculis parvis irregularibus callosis, testaceis conspersa.
- 12 (13). Membrana hyalina, tantum angulo basali interiore nigricante, venis decoloribus; dorso abdominis nigro. ♀. Long. 14— $14\frac{1}{2}$ , Lat.  $6\frac{1}{2}$ — $6\frac{3}{4}$  mill. — — — — — *A. crosa* WESTW. ✓
- 13 (12). Membrana sordide subvinacea, fusco-venosa; dorso abdominis lutescente, basi et apice nigro.
- 14 (15). Articulo secundo antennarum articulo tertio distincte brevior; tibiis — basi et apice exceptis — pallidis, raro (*var. tibialis*) nigris, tantum dimidio basali tibiæ posteriorum subtus pallido. ♂. ♀. Long. 11—14, Lat.  $5\frac{1}{8}$ — $6\frac{3}{4}$  mill. — — — — — *A. versicolor* FABR. ✓
- 15 (14). Articulis secundo et tertio antennarum longitudine subæqualibus; tibiis totis nigris. ♂. ♀. Long.  $11\frac{1}{2}$ —14, Lat.  $5\frac{1}{2}$ —6 mill. *A. gambiensis* WESTW. ✓  
(= *A. æquata* HAROLD).
- 16 (3). Corpore rubro, nigro-variegato; rostro medium segmenti ventralis secundi haud superante. ♀. Long.  $13\frac{1}{2}$ — $14\frac{1}{2}$ , Lat.  $6\frac{1}{2}$ —7 mill. *A. bicolor* DIST. ✓

✓ *Coquerelia ventralis* n. sp.

Supra testaceo-flavescens, dense subtilissimeque punctulata; capite, antennis, maculis duabus basalibus transversis et macula anteapicali rotundata, sæpe bilobata scutelli, macula media costali corii, membrana nec non basi et apice segmentorum connexivi nigris; capite antrorsum paullo angustato, planiusculo, jugis apice haud elevatis; articulo tertio antenarum articulo secundo  $\frac{1}{3}$  longiore; rostro paullo pone coxas posticas extenso; scutello basin versus leviter convexo-elevato; corpore subtus albedo-testaceo, lateribus pectoris testaceo-flavescentibus, parte inferiore capitis (vitta utrinque laterali excepta) et macula oblonga obliqua prostethii prope acetabula cum meso- et metastethio nigris, limbo postico et lateribus horum acetabulisque albedo-testaceis; fasciis basalibus segmentorum ventris æneo-nigris, sejunctis, tantum fascia segmenti secundi cum fascia segmenti tertii medio plus minusve confluyente; segmentis genitalibus nigris. ♀. Long. 21—22, Lat.  $10\frac{1}{2}$ —11 mill.

Madagascar: Antongil Bay. (Mus. Hung.)

*C. pectorali* Sign. similis, sed corpore superne testaceo-flavescente, capite antrorsum minus angustato, rostro longiore, scutello basin versus minus elevato et macula anteapicali nigra notato, acetabulis albidis, prostethio prope acetabula macula nigra signato, limbo postico mesostethii pallido fasciisque nigris segmentorum ventralium haud confluentibus distinguenda. Maculae duæ basales nigrae scutelli, in *C. pectorali* a basi ipsa nonnihil remotæ, in specie nostra cum basi semper contiguæ sunt.

✓ *Nezara Bergrothi* n. sp.

Late ovalis, viridis, supra dense et distincte punctata. subtus subtilissime punctulata; capite latitudine sua cum oculis  $\frac{1}{4}$  brevior, margine concolore, subtus puncto anteoculari nigro destituto, lateribus ante oculos leviter sinuatis; antennis basi viridibus, articulo tertio triente apicali nigro, articulo quarto et quinto fuscis, articulo secundo articulo tertio vix  $\frac{1}{4}$  brevior; rostro sordide stramineo, apice nigro; marginibus lateralibus anticis pronoti haud reflexis, rectis, concoloribus, angulis lateralibus rotundatis, vix prominulis; scutello æquilongo ac basi lato, punctis quatuor basalibus obsolete flavis notato, angulis basalibus ipsis concoloribus; membrana hyalina; disco mesosterni pallide stramineo; sulco orificiali in rugam longam extenso; ventre basi tuberculato, disco flavovirente, maculis callosis ad spiracula stramineis, angulis posticis segmentorum abdominalium nigris; pedibus viridibus, coxis et trochanteribus pallide stramineis. ♂. Long.  $11\frac{1}{2}$ , Lat. 7 mill.

Madagascar: Antongil Bay. (Mus. Hung.)

Species hæc, in honorem clariss. Dr<sup>is</sup> E. BERGROTH denominata, de statura latiuscula, pone medium haud angustata, puncto anteculari capitis nigro deficiente, colore antennarum scutelloque breviusculo cognoscitur. A *N. Naspiro* DALL., cui affinis videtur, articulo tertio antennarum apice nigro, angulis lateralibus pronoti vix prominulis et angulis basalibus scutelli puncto nigro destitutis distincta.

✓ *Nezara liturata* n. sp.

Latiuscule ovalis, dilute viridis, supra dense et distincte punctata; capite paullo brevior quam cum oculis latiore, nigro-marginato et subtus macula parva anteculari nigra signato, marginibus lateralibus levissime sinuatis; antennis sordide virescentibus, articulis tribus basalibus apice nigris, articulis duobus apicalibus fuscis, basi pallidioribus, articulo secundo articulo tertio  $\frac{1}{3}$  brevior; rostro usque ad coxas posticas extenso, rufescenti-testaceo, apice nigro; marginibus lateralibus anticis pronoti rectis, leviter angustissimeque reflexis, angustissime albido-vel flavo-virentibus, angulis anticis et lateralibus nigris, angulis his obtusis, vix prominulis; scutello paullo longior quam basi latiore, prope angulos basales punctis duobus minutis stramineis notato, angulis basalibus ipsis concoloribus; margine costali corii basin versus sæpissime pallide flavescente; membrana infuscata, litura magna basali interna retrorsum producta dein extrorsum versus angulum apicalem corii curvata, fusco-nigra signata; meso- et metasterno disco sordide stramineis; sulco orificiali in rugam longam extenso; limbo abdominis flavo-testaceo, angulis posticis segmentorum supra subtusque nigro-maculatis, ventre basi tuberculato, disco fere lævigato et plerumque nonnihil flavescente, maculis callosis ad spiracula aurantiacis; pedibus viridibus, coxis et trochanteribus sordide stramineis, apice tibiæ et tarsis flavo-ferrugineis. ♂. ♀. Long.  $12\frac{1}{5}$ —15. Lat.  $7\frac{1}{3}$ — $8\frac{1}{2}$  mill.

Madagascar: Antongil Bay. (Mus. Hung.)

Angulis anticis et lateralibus pronoti nigris lituraque membranæ fusco-nigra ab affinis mox distinguenda.

✓ *Nezara valida* n. sp.

Latiuscule obovata, viridis, supra dense distincteque, subtus remote et subtiliter punctata; capite paullo brevior quam cum oculis latiore, superne anguste roseo-marginato, margine imo nigro, subtus anguste stramineo-marginato et ante oculos macula minuta æneo-viridi notato, lateribus haud sinuatis; antennis viridibus, articulo tertio apice articu-

lisque duobus ultimis fusco-rubiginosis, articulo quarto basi late coccineo, articulo quinto basi late flavo, articulo secundo articulo tertio  $\frac{1}{3}$  brevior; rostro stramineo, subtus linea percurrente rubra signato, paullo pone coxas posticas extenso; pronoto sat convexo, marginibus lateralibus anticis subrectis vel subrotundatis, haud reflexis, angustissime stramineis, angulis lateralibus obtusis, paullo prominulis; scutello latitudine sua basali paullo longiore, basi punctis quinque minutis stramineis notato, angulis basalibus ipsis concoloribus, dimidio basali sat convexo-elevato; margine ipso costali corii albido-stramineo; membrana hyalina; dorso abdominis et connexivo viridibus, angulis imis posticis segmentorum hujus nigris; mesosterno disco stramineo; sulco orificiali in rugam longam extenso; angulis imis segmentorum ventralium nigris, spiraculis fuscis, flavo-cinctis, spina basali ventris brevi, coxas posticas haud superante; pedibus viridibus, coxis et trochanteribus stramineis, sæpe nonnihil roseo-tinctis, tarsis magis minusve flavo-ferrugineis. ♂. ♀. Long.  $15\frac{1}{2}$ —20, Lat.  $8\frac{3}{4}$ —11 mill.

Madagascar: Antongil Bay. (Mus. Hung.)

Statura magna, latiuscula et margine capitis rubro, marginibus lateralibus pronoti autem stramineis cognoscenda.

✓ *Nezara limbosa* n. sp.

Late ovalis. supra saturate viridis, dense et subtilissime punctulata, subtus læte viridis, pectore parce punctato, ventre fere lævigato; margine capitis, marginibus lateralibus anticis pronoti, limbo costali corii fere usque ad apicem limboque abdominis supra subtusque late saturate flavis; capite latitudine sua cum oculis fere  $\frac{1}{4}$  brevior, subtus puncto anteorulari nigro notato, lateribus ante oculos distincte sinuatis; antennis, articulo basali excepto, nigris, articulo secundo articulo tertio  $\frac{1}{3}$  brevior; rostro dilute flavo-virente, apice nigro; marginibus lateralibus anticis pronoti distincte arcuatis, leviter et angustissime reflexis, angulis lateralibus obtusis, nonnihil prominulis; scutello paullo longiore quam basi latiore, toto unicolore, punctis vel maculis basalibus pallidis omnino destituto; membrana hyalina; dorso abdominis saturate flavo, angulis apicalibus imis segmentorum abdominalium supra subtusque nigris; disco meso- et metasterni sordide stramineo; sulco orificiali in rugam longam extenso; ventre medio nonnihil pallescente, basi spinoso, spina hac brevi, ante coxas posticas vix producto, spiraculis fuscis; pedibus dilute viridibus, basi sordide stramineis, tibiis basi ipsa tarsisque apice flavo-testaceis. ♂. Long.  $13\frac{1}{2}$ , Lat.  $8\frac{1}{4}$  mill.

Congo: Bopoto. (Mus. Hung.)

Corpore late flavo-limbato, antennis nigris, marginibus lateralibus anticis pronoti distincte rotundatis, scutello toto concolore dorsoque abdominis flavo facillime distinguenda.

✓ *Nezara adelpha* n. sp.

Obovata, saturate viridis, supra dense distincteque punctata et præterea callis parvis flavescens vel rufescentibus parce conspersa; margine capitis, marginibus lateralibus anticis pronoti, margine costali corii ante medium, limbo abdominis maculisque ad spiracula flavis; capite latitudine sua cum oculis  $\frac{1}{4}$  brevior, margine imo punctoque inferiore anteooculari nigris, lateribus ante oculos distincte sinuatis; antennis viridibus, articulis tribus ultimis apicem versus nigricantibus, articulo secundo articulo tertio fere  $\frac{1}{3}$  brevior; rostro pallide flavo-virente vel stramineo, apice nigro, coxas posticas haud superante; marginibus lateralibus anticis pronoti leviter et angustissime reflexis, subrectis, angulis posticis obtusis, parum prominulis; scutello paullo longiore quam basi latiore, punctis basalibus callosis flavis quinque instructo, angulis basalibus ipsis concoloribus; membrana hyalina; mesosterno disco sordide stramineo; sulco orificiali in rugam longam producto; angulis posticis segmentorum abdominalium nigris; ventre medio fere lævigato et plus minusve flavescente, basi spinoso, spina hac sordide straminea, ultra coxas intermedias haud producta; pedibus dilute viridibus, basi pallide flavescens. ♂. ♀. Long. 13—16 $\frac{1}{2}$ , Lat. 7 $\frac{1}{2}$ —9 mill.

Camerun: Adamaua. (Mus. Hung.)

*N. pallido-conspersae* STÅL simillima, marginibus capitis et pronoti latius flavo-limbatis, capite præterea angustissime nigro-marginato et subtus puncto anteooculari nigro notato angulisque basalibus segmentorum ventralium puncto nigro destitutis differt.

✓ *Nezara macrorhaphis* n. sp.

Obovata, supra læte viridis, dense et distincte punctata, subtus dilute virescens, obsolete punctulata; margine capitis, marginibus lateralibus anticis pronoti, margine costali corii anteriori, limbo angusto abdominis maculisque callosis ventris ad spiracula stramineis; capite latitudine sua cum oculis  $\frac{1}{4}$  brevior, margine imo punctoque inferiore anteooculari nigris, lateribus leviter sinuatis; antennis totis viridibus, articulo secundo articulo tertio fere dimidio brevior; rostro albido-virescente vel flavescens, apice nigro; marginibus lateralibus anticis pronoti rectis, leviter et angustissime reflexis, angulis lateralibus obtusis, leviter promi-

nulis; scutello paullo longiore quam basi latiore, punctis duobus vel quinque basalibus flavis, interdum sat obsoletis notato, angulis basalibus ipsis concoloribus; corio interdum basin versus callis nonnullis parvis flavis consperso; membrana hyalina; disco pectoris et ventris cum spina basali hujus sordide stramineo, angulis apicalibus imis segmentorum abdominalium nigris; sulco orificiali in rugam longam extenso; spina ventrali longa, coxas anticas superante vel subsuperante; pedibus dilute virescentibus, basin versus pallide stramineis. ♂. ♀. Long. 14—17, Lat. 8—9¼ mill.

Insula St. Thomé. (Mus. Hung.)

Ab omnibus speciebus africanis generis *Nezara* AM. SERV. spina ventrali longa antennisque unicoloribus bene distincta.

✓ *Nezara rufidorsum* n. sp.

Late ovalis, supra saturate viridis, dense et distincte punctata; margine capitis, marginibus lateralibus anticis pronoti margineque costali corii basin versus superne roseis, subtus nigris; capite latitudine sua cum oculis  $\frac{1}{6}$  brevior, subtus ante oculos striola nigra notato, marginibus lateralibus vix sinuatis; antennis viridibus, articulo tertio apice nigro, articulis duobus apicalibus fuscis, articulo quarto basi viridi, dimidio basali articuli quinti albido, articulo secundo articulo tertio  $\frac{1}{4}$  brevior; rostro stramineo, subtus longitrorsum rufescenti-lineato, apice fuscescente, coxas posticas attingente; marginibus lateralibus anticis pronoti rectis, haud reflexis, angulis lateralibus obtusis, paullo prominulis; scutello latitudine sua basali paullo longiore, in angulis basalibus foveola parva æneo-nigra, intus callo parvo semilunari flavo-testaceo terminata, instructo et præterea punctis duobus basalibus interioribus stramineis notato; membrana hyalina, obsoletissime fusco-venosa; dorso abdominis rufo-testaceo, connexivo viridi; corpore subtus pallide viridi-flavo; disco pectoris flavescente, sulco orificiali in rugam longam extenso; ventre vix punctato, tuberculo basali ferrugineo instructo, marginibus lateralibus imis fuscis, angulis posticis segmentorum nigris, spiraculis nigro-fuscis; pedibus dilute virescentibus, coxis et trochanteribus pallide flavescens, apice tibiarum et tarsis flavo-ferrugineis. ♂. Long. 13, Lat. 7 mill.

Madagascar: Antongil Bay. (Mus. Hung.)

Species dorso rufo et foveolis basalibus æneo-nigris scutelli a reliquis congenericis distinctissima, forsitan ad novum genus referenda.

✓ *Bathycœlia nesophila* n. sp.

Anguste ovalis, dilute olivaceo-flavescens; pronoto scutelloque remote et obsoletissime, hemelytris dense et distincte punctatis; corpore subtus fere lævigato; capite latitudine sua cum oculis paullo brevior. apicem versus nonnihil virescente, marginibus lateralibus medio subsinuatis, lineola inferiore ante oculos antennisque nigris, harum articulo primo toto parteque fere dimidia basali articuli quarti albis, partibus  $\frac{2}{3}$  basalibus articuli quinti pallide virescentibus; ocellis inter se quam ab oculis triplo longius remotis; rostro pallide virescente, apice ipso nigro, usque ad medium segmenti ventralis quarti extenso, articulo tertio longissimo, articulo quarto articulo secundo paullo brevior; pronoto posteriori olivaceo-virescente, marginibus lateralibus anticis rectis, anguste callosoreflexis et fulvis, angulis lateralibus leviter prominulis; scutello olivaceo-viridi, in angulis basalibus foveola parva nigra instructo; corio margine costali anguste virescente, basin versus intra marginem ipsum nigropunctato; membrana fuscescenti-hyalina; connexivo fere toto pallido, tantum ad incisuras segmentorum paullo nigricante; sulco ventris usque ad apicem segmenti sexti extenso, angulis imis segmentorum ventralium nigris; pedibus dilute flavo-virescentibus, tibiis pallide flavotestaceis. ♂. Long. 17, Lat.  $8\frac{1}{2}$  mill.

Insula St. Thomé. (Mus. Hung.)

*B. ovali* STRÅL affinis, sed statura majore et angustiore, colore antennarum, pronoto et scutello parcius et obsoletius punctulatis scutelloque apicem versus magis angustato divergens.

✓ *Bathycœlia malachitica* n. sp.

Anguste ovalis, supra saturate viridis, dense distincteque punctata; capite latitudine sua cum oculis paullo brevior, margine imo flavotestaceo, subtus ante oculos lineola atro-cœrulea notato; ocellis inter se quam ab oculis saltem sextuplo longius remotis; antennis pallide virescentibus, articulis duobus ultimis albidis, dimidio apicali articuli quarti et annulo lato subapicali articuli quinti cum apice articuli tertii nigris; rostro pallide flavescente, apice ipso nigro, basin segmenti ventralis tertii attingente, articulo tertio longo, articulo quarto articulo secundo paullo brevior; marginibus lateralibus anticis pronoti rectis, angustissime callosoreflexis et flavotestaceis, angulis lateralibus leviter prominulis; scutello quam hemelytris subtilius punctato, utrinque mox pone angulos basales striola minuta callosa straminea instructo, apice plerumque angustissime flavo-marginato; margine costali corii basin versus flavo-



testaceo; membrana griseo-hyalina; dorso abdominis cyaneo; connexivo viridi, immaculato; corpore subtus cum pedibus prasino, subtilissime punctulato; pectore et ventre medio per totam longitudinem articuloque ultimo tarsorum flavo-testaceis; sulco ventris tantum usque ad apicem segmenti quinti extenso. ♂. ♀. Long.  $12\frac{1}{3}$ —13, Lat.  $6$ — $6\frac{1}{3}$  mill.

Insula St. Thomé. (Mus. Hung.)

Species hæc ab omnibus congenericis statura minore, colore saturate viridi, ocellis ad oculos valde appropinquatis, rostro brevior et sulco ventris in segmentum sextum haud extenso distinctissima.

Subfam. TESSARATOMINÆ.

*Malgassus exiguus* n. sp.

Oblongo-ovalis, supra cum rostro et pedibus pallide virescens, dense subtilissimeque punctatus, subtus argenteus; capite latitudine sua interoculari duplo longiore, lateribus rectis, anguste rubro-marginatis, margine ipso angustissime nigro, tylo profundissime incluso; ocellis inter se quam ab oculis duplo longius remotis; articulo primo antennarum albido (articuli reliqui desunt); rostro coxas anticas subattingente, apice imo nigro; pronoto basi quam apice  $2\frac{1}{3}$  et quam longitudine sua media  $\frac{2}{3}$  latiore, linea mediana lævigata obsoleta, marginibus lateralibus anticis anguste coccineis, apice ipso nigris, margine postico ante scutellum subrecto; scutello apice excavato; hemelytris apicem abdominis vix superantibus, margine costali basin versus rufescente, corio mox ante medium tuberculo parvo lævigato nigro, albido-cincto et a margine costali paullo remoto instructo, membrana hyalina; mesosterno medio leviter carinato; segmento ventrali quinto postice profunde emarginato, segmento ventrali sexto postice minus profunde sinuato, in linea mediana fere triplo longiore quam segmento præcedente; segmento genitali ultimo segmento genitali penultimo fere duplo longiore et apice levissime emarginato. ♂. Long. corp.  $11\frac{1}{2}$ , Lat. basal. pronoti 4, Lat. max. abdominis  $5\frac{1}{5}$  mill.

Madagascar. (Mus. Hung.)

A *M. hypoleuco* HORV. statura multo minore et magis oblonga, capite longiore et vitta intramarginali nigra destituto, ocellis minus distantibus, rostro brevior, lateribus pronoti tuberculo apicali nigro destitutis, linea intramarginali laterali nigra hemelytrorum deficiente, corio tuberculo parvo nigro discoidali instructo, mesosterno carinato connexivoque haud nigro-marginato differt.

## Subfam. ACANTHOSOMINAE.

✓ *Laccophorella* nov. gen.

Corpus late ovale, depressum. Caput planiusculum, latitudini suae cum oculis subæquilongum, pronoto autem æquilongum, antrorsum leviter angustatum, apice obtuse rotundatum; tylo percurrente et jugis subæquilongis; bucculis humilibus, basin capitis haud attingentibus. Antennae quinquearticulatae, graciles, articulo primo apicem capitis paullo superante, articulo secundo articulo tertio longiore. Rostrum usque ad coxas posticas extensum, articulo primo bucculis brevior, articulo secundo articulis duobus apicalibus simul sumtis vix brevior. Pronotum transversum, antrorsum leviter declive, margine antico profunde sinuato, angulis anticis denticulo distincto armatis, marginibus lateralibus anticis late explanatis, laminatis, distincte elevatis et arcuatis, angulis humeralibus prominentibus, marginibus lateralibus posticis rotundatis, margine postico recto. Scutellum latitudine sua basali paullo brevius, apice angustissime productum. Hemelytra pone apicem abdominis extensa; area costali corii ante medium fortiter laminato-dilatata, leviter reflexa et marginem abdominis tegente, pone medium subito angustata et segmenta connexivi detecta relinquente; membrana venis quinque, ex areolis basalibus nascentibus instructa, vena tertia mox pone basin bifurcata. Prosternum haud sulcatum; mesosternum carina mediana subtili instructum. Orificia odorifera in sulcum brevem, anguste auriculatum continuata. Venter leviter convexus, basi obtuse tuberculatus; segmento sexto feminae in disco utrinque prope marginem anticum foveola transversa, elliptica, profunda, laeviuscula instructo. Pedes simplices; tibiis teretibus.

Genus hoc Acanthosominarum generi *Noualhieridia* BREDD. valde affine, sed differt capite pronoto æquilongo, rostro longiore, membrana quinquevenosa et praesertim segmentis duobus ultimis ventralibus feminae impressionibus opacis majusculis destitutis, segmento ventrali sexto autem utrinque foveola laevigata profunda instructo.

✓ *Laccophorella* Bornemiszae n. sp.

Pallide testaceo-flavescens, supra dense subtiliterque fusco- et nigropunctata; parte posteriore pronoti, scutello et hemelytris fuscescentibus; capite leviter infuscato, jugis apice extus rotundatis; antennis flavo-testaceis, apicem versus breviter pilosis, articulo secundo articulo tertio triplo longiore, articulis duobus ultimis longitudine aequalibus, annulo subapicali articuli quarti et partibus  $\frac{2}{3}$  apicalibus articuli quinti cum apice

rostri nigris; pronoto triplo latiore quam longiore, mox ante medium punctis duobus discoidalibus callosis albidis, ruga obsoleta transversa conjunctis instructo, marginibus lateralibus anticis pone medium late nigro-fuscis, angulis leteralibus apice angulato-rotundatis; scutello basi paullo elevato, apicem versus obsolete carinato; area costali dilatata corii basin versus late pallida; membrana griseo-hyalina, fusco-irrorata; connexivo fusco, macula media segmentorum pallida; pectore distincte punctato, punctis nigris confluentibus, angulo laterali prostethii litura magna nigra notato; ventre parce subtilissimeque fusco-punctato, striola mediana segmentorum punctis acervatis nigro-fuscis formata, angulis lateralibus horum basali et apicali maculaque media, antice trifida segmenti sexti nigris; pedibus pallide flavo-testaceis, femoribus et tibiis remote nigro-punctatis. ♀. Long.  $7\frac{1}{4}$ , Lat.  $4\frac{1}{4}$  mill.

Africa orientalis: Kilimandjaro. (Mus. Hung.)

Speciem hanc formosam in honorem egregii sui inventoris, liberi baronis PAULI BORNEMISZA denominavi.

---